

國
朝
文
錄

湯潛庵先生文錄引

理學經濟文章三者各有專長能兼之者在宋惟朱子在明惟陽明子然陽明之學自矜心得務與朱子爲難迄今從之者多詆之者亦復不少惟經濟文章實不可及若講學取陽明之長而去其短而經濟文章復亞之者則惟我朝湯文正公蓋文正從蘇門孫徵君遊不以朱子之改補大學爲是并以平湖之排擊陽明爲非其言曰欲明程朱之學者當心程朱之心學程朱之學窮理必極其精居敬必極其至喜怒哀樂必求中節視聽言動必求合禮子臣弟友必求盡分又曰講學只在當下所處之地所處之時舍

此而談空說悟直作一好話頭講過終與自己無益也可以謂之醇儒矣經濟未及盡展而見於撫吳時者蠲逋賦撫疲民正人心興教化純以王道而無雜伯功利之私文章不多作作卽高雅不羣諸疏尤善於立言不競不絀得告君之體蓋仁義之人其言藹如不惟非文士可及并非講學家有質無文者所可及也今錄其文爲二卷雖於論學之書不能盡錄而經濟之舉舉大者則具是矣上高李祖陶撰

潛庵先生遺藁文錄目錄

卷一

理學宗傳序

送宋牧仲分司贛關序

徵君孫先生九十壽序

重修蘇州府儒學碑記

重修中州會館記

重修信陵君祠記

上徵君先生書

答陸稼書書

答孫岷瞻侍郎書

春王正月辨

卷二

敬陳史法疏

題請蠲緩疏

代陳輿情疏

蘇松逋賦疏

請旨行取疏

請毀淫祠疏

徵君孫鍾元先生墓誌銘

翰林院侍讀愚山施公墓誌銘

潛庵先生遺藁文錄卷一

睢州湯 斌潛庵著

後學上高李祖陶欽

高安金鎮濤海

理學宗傳序

天之所以賦人者無二理。聖人之所以承天者無二學。蓋天命流行化育萬物。秀而靈者爲人。本性之中性字義全篇五常備具。其見於外也。見親則知孝。見長則知弟。見可矜之事則惻隱。見可恥之事則羞惡。不學不慮之良人固無異於聖人也。惟聖人爲能體察天理之本。然而朝乾夕惕。自強不息。極之盡性至命而操持不越日用飲食。

之。聞。顯。之。事。親。從。兄。而。精。微。遂。至。窮。神。知。化。之。際。蓋。其。知。明。處。當。
乃。吾。性。中。自。有。之。才。能。參。天。贊。化。亦。吾。性。中。自。有。之。功。用。止。如。其。
本。性。之。分。量。而。非。有。加。於。毫。末。也。堯。舜。禹。之。相。授。受。曰。人。心。惟。危。
道。心。惟。微。惟。精。惟。一。允。執。厥。中。其。五。教。之。目。曰。父。子。有。親。君。臣。有。
義。夫。婦。有。別。長。幼。有。序。朋。友。有。信。此。聖。學。之。淵。源。王。道。之。根。柢。也。
由。湯。文。武。周。公。孔。子。以。至。顏。曾。思。孟。成。已。成。物。止。有。此。道。在。上。在。
下。止。有。此。學。秦。漢。而。後。道。喪。文。敝。賴。江。都。文。中。昌。黎。衍。其。端。緒。至。
濂。溪。周。子。崛。起。春。陵。直。接。鄒。魯。程。張。邵。朱。以。至。陽。明。雖。所。至。或。有。
深。淺。氣。象。不。無。少。異。而。中。所。自。得。心。心。相。印。針。芥。不。爽。蓋。道。之。大。

原○出○於○天○天○不○變○道○亦○不○變○苟○得○其○本○心○之○同○然○則○千○百○世○之○上○
千○百○世○之○下○固○無○異○親○授○受○於○一○堂○如○高○曾○祖○禰○與○嫡○子○嫡○孫○精○
氣○貫○通○譜○牒○昭○然○自○相○聯○屬○彼○傍○流○支○派○雖○貴○盛○於○一○時○而○不○敢○
與○大○宗○相○抗○蓋○誠○有○不○可○紊○者○在○也○近○世○學○者○或○專○記○誦○而○遺○德○
性○或○重○超○悟○而○略○躬○行○又○有○爲○儒○佛○合○一○之○說○者○不○知○佛○氏○言○心○
言○性○似○與○吾○儒○相○近○而○外○人○倫○遺○事○物○其○心○起○於○自○私○自○利○而○其○
道○不○可○以○治○天○下○國○家○吾○儒○之○道○本○格○致○誠○正○以○爲○修○而○合○家○國○
天○下○以○爲○學○自○復○其○性○謂○之○聖○學○使○天○下○共○復○其○性○謂○之○王○道○體○
用○一○原○顯○微○無○間○豈○佛○氏○所○可○比○而○同○之○乎○容○城○孫○先○生○集○理○學○

宗傳一書。自濂溪以下十一子爲正宗。後列漢隋唐儒考。宋元儒考。明儒考。端緒稍異者爲補遺。其大意在明天人之歸。嚴儒釋之辨。蓋吾儒傳心之要與也。八十年中。躬行心得。悉見於此。斌謝病歸田。從學先生之門。受而讀之。其折衷去取。精義微言。幸承面誨。而得有聞焉。時內黃令張君仲誠。潛修默悟。力任斯道。迎先生至署。蠲俸付梓。先生命斌爲序。斌何言哉。惟曰。天下同志。讀是書者。無徒作書觀也。止由此以復天之所與我者耳。吾之身。天實生之。切實指陳無一體之不備。吾之性。天實命之。無一理之不全。吾性實與萬物爲一體。而民胞物與。不能渾合無間焉。吾性未盡也。吾性實與堯

舜○同○量○而○明○物○察○倫○不○能○細○大○克○全○焉○吾○性○未○盡○也○吾○性○實○與○天○
地○合○德○而○戒○愼○恐○懼○不○能○如○乾○健○不○息○焉○吾○性○未○盡○也○誠○由○濂○洛○
關○閩○以○上○達○孔○顏○曾○孟○由○孔○顏○曾○孟○而○證○諸○堯○舜○湯○文○得○其○所○以○
同○者○返○而○求○之○人○倫○日○用○之○間○實○實○省○察○克○治○實○實○體○驗○擴○充○使○
此○心○渾○然○天○理○而○返○諸○純○粹○至○善○之○初○焉○則○寂○然○不○動○感○而○遂○通○
中○和○可○以○位○育○而○大○本○達○道○在○我○矣○不○然○徒○取○先○儒○因○時○補○救○之○
言○較○短○量○長○橫○分○畛○域○妄○起○戈○矛○不○幾○負○先○生○論○定○之○心○乎○且○亦○
非○仲○誠○公○諸○同○好○之○意○矣○陸○子○曰○六○經○註○我○我○註○六○經○學○苟○知○本○
六○經○皆○我○註○腳○斌○惟○與○天○下○學○者○共○勉○之○而○已○矣○

直從天命之性說起以明理學之有宗傳而儒者盡性合天之
功之不可缺略文筆周匝完備絕似朱子

○送朱牧仲分司贛關序

戊午、朱子牧仲以秋官尚書郎視權贛、關於其行也、同朝士大夫贈之以詩、至盈卷軸、余於朱子、姻友也、適應召來都下、不可以無言、贛州居江廣之交、地號僻遠、往時權政以通判領之、歲時報成數而已、後用言官議、改部員以重其任、軍興以來、嶺海多故、戈鋌縱橫於蠻洞瘴谿之間、估客冒險往還、其難十倍於承平時、今國儲告匱、需餉孔殷、而商旅之難如此、牧仲茲往、其所以裕國課而恤商困者、可不加之意乎、然此固牧仲之所優爲者也、天下事莫患於因時苟且、而無真誠之意、動輒曰時不可爲也、事多掣肘、

也。牧仲在刑曹一副郎耳。每慮囚必細審其得罪之由。察其情偽。稽之律例。有求其生而不得。則死者與我俱無憾之意。有不合者。動色力爭。卽豐鎬舊臣亦諒其真誠。改容而敬禮之。雖不能盡如已意。其所全活者多矣。今其視權也。由司寇推舉。

天子臨軒而遣之。授以專勅。其體爲京朝官。與督撫藩鎮不相統轄。非若部郎之多旁掣其肘者也。吾嘗謂司權政者。禁胥役之需索。信放闕之期會。則商不病。杜豪強之夾帶。絕權貴之請託。則課不紕。而其要在律已嚴而綜核愼。此皆牧仲之所優爲者也。而余之所望於牧仲不盡於此焉。人身之所重者元氣也。國家之所急

者人才也。古人宦轍所至必以咨訪人才爲首務。其所謂人才者。非詞華藻麗。馳聲藝苑之謂也。必經術足以明道。才略足以匡時。有精苦之志。有深沉之謀。此其人必不欲以浮華顯。往往在深山窮谷。可以邈世無悶。或浮湛人間。落落穆穆。非得其同志。則不能相求也。西江自宋以來。名臣大儒。不可勝數。今豈遂無其人乎。余昔參藩嶺北。屬有軍旅之役。事定而疾作。請休歸里。寧都有魏冰叔兄弟。與彭躬庵邱邦士方讀書易堂。余知之未暇入山。一訪亦以諸子深藏交修。不求聞於世。余爾時雖粗知其姓氏。未能悉也。今得讀其所著書。想見其爲人。屈指當日已二十年矣。河山阻修。

時光荏苒。惟有浩歎而已。天生人才。無間古今。往者已矣。來者未可量。牧仲更從冰叔益求知所未知焉。勿如我之過時而悔也。還朝以此爲使歸之獻。則牧仲知所以報國者深矣。

用意固佳。而布置安放亦有法。易堂諸子以布衣名重天下。讀此書知先生亦傾慕之。宜長樂陳惕園至今有易堂德隱錄之書也。

○○徵君孫先生九十壽序

康熙癸丑，徵君孫先生壽登九十。嘉平月之十四日，爲懸弧之辰，睢陽門下士暨平日私淑先生之教者，若而人，將渡河，稱觴於兼山堂下。斌再拜頓首而言曰：人生百歲爲期，先生年踰耆耄，步履輕翔，神完而氣固，著書未嘗以寒暑輟。弟子執經請益者，趾錯於戶，應答終日無倦容。竊念自古九十好學弗衰者，衛武公而後，不過數人耳。先生之壽，殆天之有意斯文，與夫壽者假百年以爲萬古者也。道體流行，萬古不息，非人則道無所寄，非聖人則道無以行。非天假之以年，則聖賢凝道之功，或未能深詣其極，而造化之

流行於萬古者不能盡屬之於我故此身者百年之物追功力精深充實光輝上繼往聖下開來學則百年而萬古矣孔子以天縱

以孔子作上証反復盡致

之聖自十五志學猶必至七十而始能從心所欲不踰矩也道無止境學亦無止境使更假以年必有日進不已者特後之學者亘千百年不能證取從心不踰矩之真境况能知其進此者乎使孔子年未及七十而止則後人必以知命耳順爲學問止境矣使顏子而有夫子之年則所謂未達一間者其終於未達歟夫壽之可重也如此哉先生早年潛心濂洛之學以孝親敬長爲根基以存誠去僞戒懼慎獨爲持要出門定交與蒼嶼廓園蓼洲諸君子議

論往復以砥柱中流。自任浩然之氣。百折不回。會璫燄熾張。諸君子並罹鉤黨。平日交遊身都通顯者。皆閉戶掃軌。噤不敢出一言。而先生獨不避虎豹力爲營救。當其時岌岌濱於難矣。而卒恬然無恙也。今氣運剝極而復。興朝定鼎。崇儒佑文。先生讀易百泉。韜光斂耀。靜悟淵思。德益劭而學益邃。徵書歲下。纁帛屢賁巖阿。至朝虛祭酒之席。以待而先生鳳隱益高。公卿藩臬擁簪到門。執弟子禮。先生與臣言忠。與子言孝。鮭菜苦茗。嘗至更闌燈灺。猶娓娓弗倦。或千里書札問難。爲之條分縷晰。無不人人各得其所求。有初接者才品高下。卽衡量不爽。與之言論。輒中隱微。若久與處。

洞○悉○其○生○平○者○卽○秦○越○人○之○視○病○不○是○過○也○回○視○數○年○前○學○問○必○
有○日○進○月○長○可○自○證○自○勸○而○非○他○人○所○能○識○測○者○矣○今○天○下○理○學○
蒸○然○而○起○誠○行○淫○辭○之○習○漸○以○消○磨○謂○非○先○生○倡○率○鼓○舞○而○然○歟○
蓋○昔○年○處○運○祚○之○終○而○今○日○當○風○會○之○始○處○其○終○者○與○羣○賢○聲○應○
氣○和○不○能○奏○廓○清○維○挽○之○功○當○其○始○者○碩○果○獨○存○靈○光○巍○然○千○百○
年○正○學○之○傳○手○闢○蠶○叢○而○立○登○康○莊○固○知○天○之○厚○予○大○年○者○眞○非○
無○意○也○○應○上○意○字○收○通○篇○在○他○人○目○中○筆○下○只○有○此○意○耳○此○只○作○餘○波○衛○武○公○耄○年○進○德○淇○澳○抑○戒○之○詩○風○雅○傳○焉○先○生○結○廬○蘇○
門○與○淇○澳○百○里○而○近○請○以○金○錫○圭○璧○之○章○爲○先○生○一○侑○觴○焉○是○爲○
序○

徵君爲前明遺老爲理學宗傳年踰九秩神明不衰天之所以篤生之固有在而徵君之與年俱進者亦必有在矣非如此用意詮發固不足稱其爲人

○○○重修蘇州府儒學碑記

康熙二十三年歲在甲子

天子以治定功成行古巡狩之禮。冬十月。車駕至蘇州。詢問民俗。告誡有司。還至曲阜。祭先聖廟。拜獻之儀。視前代有加。親灑宸翰。題其廟額。詔天下修葺學宮。頒賜御書。海內蒸蒸。罔不從久。斌時奉命撫災。祇謁廟學。見殿廡門垣。日就頽弛。明倫堂。岌岌欲傾。慮無以仰副

聖天子興學重道之意。受事方新。未遑興作。明年二月。蠲俸倡始。藩臬庶僚。飭材鳩工。黽勉襄事。宋棟榑桷。楹礎之殘缺者。易之。丹

獲髹漆之漫漶者新之。祠齋庖庫之久廢者興之。締構堅貞典制具備。泮水疏通。遠接太湖。松檜椅桐之屬。種植千本。閱十月而訖工。於是躬率僚屬行釋菜禮。定期講學於堂。諸生質經問業。遠近咸集。又明年三月。就奉輔導。東宮之命。頒行進諸生而告之曰。此地自范文正公建學。胡安定立教。於今六百餘年矣。名卿巨儒。頂背相望。諸生肄業於斯。其所以紹述先哲。仰答

天子作人雅意者。果安在乎。國家興治化。在正人心。而正人心。在崇經術。漢儒專門名家。師說相承。當詩書煨燼之餘。儀文器數之目。刪定傳授之旨。猶存什一於千百。且其時選舉不以詞章。通經

學古之士皆得上聞朝廷定大議斷大疑博士據經以對故其時士大夫勇於自立無苟簡之心孝弟廉讓之行更衰亂而不變此重經術之效也其後虛無寂滅之說盛聲律駢儷之習工而經學荒矣宋濂洛關閩諸大儒出闢天人性道之源流故天下知性不外乎仁義禮智而虛無寂滅非性也道不外乎人倫日用而功利詞章非道也所謂得六經之精微而繼孔孟之絕學又豈漢以後諸儒所可及歟宋史道學儒林釐爲二傳蓋以周程張朱繼往開來其師友淵源不可與諸儒等耳而道學經學自此分矣夫所謂道學者六經四書之旨體驗於心躬行而有得之謂也非經書之

外更有不傳之遺學也。故離經書而言道，此異端之所謂道也。外
又補出心居身心而言經，此俗儒之所謂經也。宗洙泗而彌洛閩，人心之所以
正也。家柱史而戶天竺，世道之所以衰也。今聖朝尊禮先聖，表
章正學，士子宜知所趨嚮矣。吾恐朝廷以實求而士子終以名應
也。苟無驚乎其名而致力於其實，則亦曰躬行而已矣。故學者必
何因何利何應意二切掃切先明義利之界，謹誠偽之關，則貧富貴賤之非道不處，不法必罰
然也。造次顛沛生死禍福之間，不可移易者，必確然也。毋為枉尺
直尋之事，毋作捷徑苟得之謀。甯拙毋巧，甯朴毋華，甯方毋圓，戒
懼慎獨之功，無時可間。子臣弟友之職，不敢不勉，不愧于大廷，亦

不愧於屋漏如此則發爲議論自能息邪距諛而鄉愿楊墨之教
不得勝也出爲政事自能尊王黜霸而管商申韓之政不得施也
其斯爲眞經學其斯爲眞道學也已否則剽竊浮華苟爲譁世取
龍之具講論踐履析爲二事卽誦說先師世道亦何賴乎當文正
公時中庸猶雜戴記中仍○以○范○朗○節○之○公獨舉以授橫渠則公之深於經學可知
矣安定之教以經義爲本當時太學取以爲法宋世人才之盛實
基於此諸生爲鄉邦後進來遊來觀其亦有所興起乎蘇郡人文
實四方所則效也所以佐成聖朝之治化者予實有厚望焉諸
生請書其言爲記斯役也江蘇布政使章欽文蘇松督糧道副使

劉鼎、蘇州知府胡世威、或總理工費、或分司督察、而心計指授、巨細不遺者、鼎之力爲多。司學事者、教授吳世恆、訓導張杰也。例得並書。

極論古今學術而歸本於經學、卽道學務在躬行以實踐之于此事無遺蘊矣、而前後以范胡呼應、亦總不離此旨。此題自宋以來不知其幾千萬文矣、或詳典制、或明義理、或對針時事、或緊切地方、竭慮殫心、盡思拔出前人名作之外、至此文出而堂堂正正一切有以包掃之、願書萬本、讀萬遍、普天下學者皆口角流沫、手生胝也。

。重修中州會館記

中州會館在宣武門之左、舊爲梁司徒公別墅、所謂銀灣曲也、順治十四年、同鄉官都下者捐貲購得、改建會館、宗伯薛公爲記、其事歲久漸頽、屢議修治、以艱于費弗果、越康熙十八年秋、地震傾圯殆盡、時都諫王君子厚、方主館事、捐俸以倡、同籍各輸金有差、鳩工庀材、中翰王君三雪、身董其役、再閱月而訖工、於是鄉之諸大夫士置酒其堂、謂不可以無記、而屬文於余、余謂國家畫十五方域、而京師其都會也、凡鄉之仕於朝者、官階之崇卑、職掌之鉅細、繁簡不侔也、分曹治事、有朝會而外、終歲未嘗過從者矣、其

官於外。或數百里。或數千里。聲問不相通。有一旦以奉表述職而
至者矣。有貢舉於鄉。以應試謁選而至者矣。亦有京朝官出秉節
鉞備藩臬郡守之任。倏而數百里數千里聲問不相及者矣。幸而
聚於一時。則歲時伏臘會集。燕饗於同朝。主之時修親睦鄉
曲之義。豈不謂行古之道乎。都諫斯舉。洵爲知所務也。余更三復
宗伯之記。稱述吾鄉先哲。若李文達劉文靖之相業。顧軒兩都憲
之清直。馬端肅許襄毅之政事。何文定崔文敏之文章。氣節屬望
後人。希慕風烈。交相砥礪。不在飲食燕衍相徵逐。用意可謂深且
厚矣。余謂諸公德業蓋有所本。亦在其學而已。中州文章莫盛於

其學闢佛老崇仁義得聖道之大端論者以爲精微之蘊猶有未究其極者至兩程子出獨深探原本窮理盡性接千古不傳之統故程子者實儒學之大宗而鄉之後進所當奉爲準的者也若許文正姚文獻講學蘇門佐元興太平之運而明之曹正夫倡道崎澠距邪閑正居一代理學之冠其後尤季美孟叔龍紹述於洛西魯正卿呂叔簡振興於宋郡呂忠節闡釋孝經賀景瞻發明春秋劉文烈力任風教大節皎然數君子皆不惑於功利權謀詞章技能之習而確然有以自信者也誠得其所以爲學以之事君必忠以之事親必孝以之交友必信於前修之事功風節不規規

求合吾見其無不合也。夫程子之學以至誠爲聖功之極以主敬爲入德之要。凡與斯會者揖讓進退必準於禮。可否然諾必揆諸道。敬存於心貌恭非敬也。敬而後能誠非敬無以爲誠也。以此交修弗怠庶不墮先哲之遺教於以勉盡職業報朝廷之知遇非徒講鄉曲之情歲時伏臘聚會燕好之數數也。古人無在而非學故敢推廣前記與諸君子共勉之。

議論一層進一層而意度波瀾亦皆入古于會館記得之可稱絕特

重修信陵君祠記

開封舊有信陵君祠在上方寺之右雲杜李本寧宗伯宣梁時所
建也崇禎壬午沒於河今國家承平三十年廢典漸次修復而
信陵祠獨缺永平韓子客遊梁歎曰茲非魏都耶夷門之墟猶有
侯○羸○朱○亥○若○而○人○乎○使○當○時○無○信○陵○則○侯○羸○朱○亥○亦○以○監○門○而○屠○
老○耳○巖○穴○不○乏○人○能○識○人○不○恥○下○交○者○世○不○數○見○也○於○是○偕○寺○僧○
卽其祠地土中求得雲杜故碑醵金建祠以侯朱配仍舊也韓子
又曰侯生猶魏產耳若毛公薛公固生於趙爲平原所簡賤而羞
與爲伍者也信陵何自而得之卒賴其言趣駕救魏率五國之兵

敗秦師至函谷關而還信陵之終不失臣節於魏者二公力也徒以非魏產而不祀非闕典歟補主列侯朱之次旌功也所謂禮以義起者也工既訖請於官春秋致祭復選石刻史記魏公子列傳立祠中過雒陽請余爲之記余酌酒與韓子曰君燕趙布衣也未嘗綰綬分符有修復舊典表章古烈之任者也何汲汲爲此得無悼淪落之難偶慨知已之莫遇與信陵曠世而相感乎夫信陵豈獨以好客重乎秦之併六國也此古今一大變局也趙與魏爲唇齒而魏與五國爲藩維信陵用兵雖太公穰苴無以加焉使當時不以讒廢則秦不得滅魏魏不滅則五國不至折而入於秦卽信

陵○一○旦○以○老○病○死○其○知○人○下○士○如○此○必○能○得○如○信○陵○者○而○託○國○焉○
○何○等○開○係○
暴○秦○之○虐○不○能○及○於○天○下○矣○其○以○毀○廢○也○飲○酒○近○婦○人○而○卒○其○亦○
不○忍○見○天○下○之○遽○歸○于○秦○而○求○速○畢○一○朝○之○命○乎○李○牧○死○而○趙○亡○
信○陵○死○而○魏○亡○始○皇○之○肆○威○于○海○內○天○也○漢○高○過○大○梁○而○以○太○牢○
祠○之○也○其○亦○有○見○于○此○乎○信○陵○墓○在○揚○州○門○外○河○流○變○遷○湮○沒○不○
可○問○矣○此○祠○之○建○其○不○得○已○也○遂○爲○之○記○韓○子○名○鼎○業○字○子○新○博○
學○好○古○懷○慨○多○大○節○此○祠○之○建○其○一○端○云○
此文跌宕流連極似魏叔子得意之筆徒詫其從大處起議猶
屬皮相

○上孫徵君先生書

去冬得侍几杖、蒙指誨諄切、佩服無數。昔豫章見龜山、曰不至此、幾虛過一生。誠哉是言也。亦夔來晤得拜手教、期望之意、慙慙彌、爲自顧、何人敢不勉勵。君山至、備詢起居、知道履康勝、盛暑註易、孳孳不倦。非仁智合德、純一不已者能之乎。今精神益健、眉壽無疆。孔子曰、仁者壽。於今益信矣。亦夔見示格物說、真千古定論。斌竊嘗三復古本大學。此謂知本。此謂知之至也。在本亂而末治、節下蓋修身爲本之本。卽物有本末之本。格物之物。卽物有本末之物。致知之知。卽知所先後之知。卽知止有定之知。格致誠正。所以

修身所以明德。明德爲本。新民爲末。修身爲本。家國天下爲末。一也。此卽示人以格物致知之功也。下接所謂誠其意者一段。中間反覆明德新民止至善而終之。以此謂知本。可見聖學入手。惟在誠意。而致知格物。則誠意之功也。原不得分爲二事。所謂格物者。格明德新民之物也。明德新民雖並舉。其實總是明德。明德卽是仁。仁者以天地萬物爲一體。一民未新。卽吾德有未明處。故曰明明德於天下者。明德新民必止於至善。則格物爲聖學徹始徹終工夫可知矣。又舉聽訟一事。蓋新民之一端。而大畏民志。卽明明德也。故曰此謂知本。古本原自明白直截。非有錯文。亦無勞補義。

後章如好而知惡惡而知美若保赤子心誠求之雖不中不遠所
惡於上毋以使下云云皆格物致知之最明白易見者也故一部
大學皆格物特未處處明言格物二字耳千古聖賢心心相印毫
髮不爽大學之格物卽中庸之明善孟子之集義理一而辭異不
然若數聖賢各有心得漫不相合所謂傳心者何事哉唐虞授受
十六字辨晰危微精以察之一以守之格物也非禮勿視聽言動
與夫非禮之禮非義之義大人不爲格物也親親而仁民仁民而
愛物各有差等不同兼愛格物也卽至演易繫辭窮神盡變禮儀
威儀三千三百無非格物也故曰道外無物物外無道朱子以古

本有錯簡爲之改正補傳心良苦矣然明德新民止至善各爲一傳本末格致誠意各爲一傳文義似爲明晰而下手頭緒反不如古本之直截歸一此陽明古本之復誠不容已而非有意多事起後人之爭端也格物之說陽明以朱子窮至事物之理爲偏屬知程子曰窮理亦多端或讀書講明義理或論古今人物而別其是非或應事接物而處其當皆窮理也又曰致知之要當知至善之所在如父止於慈子止於孝之類朱子曰或考之事爲之著或察之念慮之微或求之文字之中或索之講論之際此與孔曰博約孟曰詳說同義固非徒求之外物而不驗之身心以親還父子以

義還君臣以序還兄弟以別還夫婦以信還朋友可謂真切簡當
矣。然亦未有不稽之往哲考之經傳遂能處之咸宜者也。其或汎
覽博觀弊精耗神本性汨沒於汗簡竹冊之中此則不善學者之
過。陽明大聲疾呼拯其陷溺。泝流窮源不得不歸咎朱子。然究其
爲說正以救其流弊而非操戈後人不察或詆朱子爲支離或病
陽明爲虛寂皆未覩大學之全者也。陽明以良知倡天下功信偉
矣。但言無善無惡心之體而龍谿遂併意知物皆爲無善無惡則
覺有剌然不安者。孟子因性善二字費無數精神正學始賴之以
明此正示人以大本大原令其在在時時兢兢業業爲天下後世

慮者誠遠也。陽明無善無惡心之體。有善有惡意之動。此言本自精確。而龍谿之言。則恍惚茫蕩。與禪學何異。恐後學爲其所誤。君子未免歸咎於陽明也。愚陋之見。不知有當否。乞直示之。家居人事紛擾。兼差繁賦。急無子弟可託。不能時常相從。於百泉夏峯之間。又學識疎陋。不足鼓舞同人。振興吾道。負諄諄提誨之意。實切悚懼。韓子新約。胆巖請台駕過河。爲嵩少之遊。伊洛之士。皆將負笈相從。倘如其請。眞千古盛事也。臨啓不盡瞻依。

此事辯之者多矣。本朝兩大儒。安溪、睢州。皆篤信古本。而不以朱子改補爲是可以知所折衷矣。

○答陸稼書書

先生正學清德。僕私心嚮慕久矣。承手教及大作。仰見崇正道。闢邪說。至意嘉惠良深。敬謝敬謝。來諭云。孔孟之道。至朱子而大明。學者但患其不行。不患其不明。但當求入其堂。與不當又自關門戶。此不易之定論也。再讀學術辨。云。天下有立教之弊。有末學之弊。又云。涇陽景逸。未能盡脫姚江之藩籬。皆極精當。非先生體認功深。何能言之鑿鑿如此。獨謂僕不欲學者。詆毀先師。是誠有之。然有說焉。僕少無師承。長而茫廢。荒無所知。竊嘗汎濫諸家。妄有論說。其後學稍進。心稍細。甚悔之。反復審擇。知程朱爲吾儒之正。

宗欲求孔孟之道而不由程朱。猶航斷港絕潢而望至于海也。必
不可得矣。故所學雖未能望程朱之門牆而不敢有他途之歸。若
夫姚江之學。嘉隆以來。幾遍天下。近年有一二巨公倡言排之。不
遺餘力。姚江之學遂衰。可謂有功于程朱矣。然海內學術澆漓日
甚。其故何與。蓋天下相尚以偽久矣。巨公倡之于上。隨聲附和者
多。更有沉溺利慾之場。毀棄坊隅。節行虧喪者。亦皆著書鏤板。肆
口譏彈。曰。吾以趨時局也。亦有心未究程朱之理。目不視姚江之
書。連篇累牘。無一字發明學術。但抉摘其居家隱微之私。以自居
衛道閑邪之功。夫訐以爲直。聖賢惡之。惟學術所關。不容不辨。如

孟子所謂不得已者。可也。舍其學術而毀其功業。更舍其功業而
訐其隱私。豈非以學術精微。未嘗探討。功業昭著。未易詆誣。而發
隱微無據之私。可以自快其筆舌。此其用心。亦欠光明矣。在當年
桂文襄之流。不過同時忌其功名。今何爲也。責人者。貴服人之心。
自古講學。未有如今之專以謾罵爲能者也。或曰。孟子嘗闢楊墨
矣。楊墨何至無父無君。孟子必究其流弊。而極言之。此聖賢衛道
之苦心也。何怪今之君子。與夫陽明之果爲楊墨否。姑未暇論。竊
以謂孟子得孔子之心。傳者以其知言養氣性善盡心之學。爲能
發明聖人之蘊也。蓋有所以爲孟子者。而後能闢楊墨。熄邪說。閑

先○聖○之○道○若○學○術○不○足○繼○孔○子○而○徒○日○告○於○人○曰○楊○墨○無○父○無○君○
也○率○獸○食○人○也○恐○無○以○服○楊○墨○之○心○而○熄○其○方○張○之○燄○矣○孟○子○曰○
今○之○與○楊○墨○辨○者○如○追○放○豚○旣○入○其○並○又○從○而○招○之○則○知○當○日○之○
與○楊○墨○辨○者○亦○不○乏○人○矣○今○無○片○言○隻○字○之○存○則○其○不○足○爲○輕○重○
可○知○也○然○則○楊○墨○之○道○不○傳○於○今○者○獨○賴○有○孟○子○耳○今○不○務○爲○孟○
子○之○知○言○養○氣○崇○仁○義○賤○功○利○而○但○與○如○追○放○豚○之○流○相○頡○頤○焉○
其○亦○不○自○重○也○已○來○論○云○陽○明○嘗○比○朱○子○於○洪○水○猛○獸○是○詆○毀○先○
儒○莫○陽○明○若○也○今○亦○黜○夫○毀○先○儒○者○耳○庸○何○傷○竊○謂○陽○明○之○詆○朱○
子○也○陽○明○之○大○罪○過○也○於○朱○子○何○損○今○人○功○業○文○章○未○能○望○陽○明○

之萬一而止效法其罪過如兩口角罵何益之有恐朱子亦不樂
有此報復矣故僕之不敢詆斥陽明者非篤信陽明之學也非博
畏厚之譽也以爲欲明程朱之道者當心程朱之心學程朱之學
窮理必極其精居敬必極其至喜怒哀樂必求中節視聽言動必
○者○以○之○爲○宗○雖○人○聖○域○不○難○求合禮子臣弟友必求盡分久之人心咸孚聲應自歟卽篤信陽
明者亦曉然知聖學之有真也而翻然從之若曰能謾罵者卽程
朱之徒則毀棄坊隅節行虧喪者但能鼓其狂舌皆將俎豆洙泗
之堂矣非僕之所敢信也僕年已衰暮學不加進實深自愧惟願
默自體勘求不愧先賢或天稍假以年果有所見然後徐出數言

以就正海內君子。未晚此時。正未敢漫然附稱也。今天下真爲程朱之學者。舍先生其誰歸。故僕將奉大教爲指南焉。道本無窮。學貴心得。胷中欲請教者甚多。容專圖晤。求先生盡教之。

先生學術以程朱爲宗。而於陽明亦取其長。故不事嘵嘵多言。而天下卒以正學歸之。讀此書可以知其心矣。○細讀陽明之書。自多可疑。近吾鄉黃靜山先生有與人書。辨之最悉。然如清獻之嫚罵。則大過矣。此書痛切鍼砭。實中其病。

○○○答孫岷瞻侍郎書

淮陽水患下民其咨先生忠誠體國正學宏才爲

聖主特簡拯茲昏墊君臣一德動與天合自當立奏平成萬世永
賴奉別數月未敢以片牘上達左右以先生勞心疏濬恐煩清聽
也連接手教仰見大君子慎始圖終大業出於小心非時輩漫無
遠謀者所可同日而語某愚昧無識未嘗久習河務何敢妄言然
既承下問不敢不竭鄙見狂瞽之言惟賜採擇焉下河之患固在
海口壅塞然海口之塞匪自近年祇因上流不治河淮失其故道
漕隄潰決因而閘壩多開止求洩上流之水以安暫時之漕不爲

水求歸宿之處。遂以七州縣城郭田廬爲巨壑矣。

皇上南巡。親見下民婦子田廬皆處洪濤之中。真若痼瘕在身。此天地覆載之心也。卽堯舜之憂勞洪水。大禹之饑溺由已。何能加焉。今欲開海口以治下河。皇上之意固專在民生。然漕運久遠之計。實不出此。蓋天下水未有不以海爲歸者。黃河北岸減水壩。由沐陽安東等處。皆入海之路。潘印川減水壩。俱建於河北岸。欲其從灌口入海也。今南岸減水壩。壩之水安歸乎。歸洪澤湖耳。淮湖之水。日增日漲。河流帶沙。湖底漸高。清口太狹。則湖逼高堰。昔潘印川用高堰逼淮。刷黃甯犯大忌。浮議沸騰。而不敢輕開尺寸。

者而○今○竟○開○六○壩○二○閘○矣○更○加○以○三○十○六○湖○之○水○盡○注○漕○河○漕○隄○
安○得○不○危○故○又○開○一○百○餘○丈○之○滾○壩○以○洩○之○其○意○以○爲○漕○隄○不○潰○
則○河○臣○之○事○畢○矣○七○州○縣○之○民○命○可○無○問○也○獨○不○思○下○河○之○地○有○
限○而○上○河○之○來○水○無○窮○以○有○限○之○地○供○無○窮○之○源○將○來○水○無○所○容○
一○綫○漕○隄○勢○必○大○壞○由○此○言○之○開○海○口○治○下○河○非○但○救○七○州○縣○之○
民○命○已○也○實○所○以○爲○漕○運○久○遠○之○計○也○今○欲○閉○漕○隄○之○壩○必○先○閉○
高○堰○之○壩○高○堰○之○壩○不○能○全○閉○欲○閉○高○堰○六○壩○之○二○三○必○先○塞○黃○
河○南○岸○之○閘○壩○黃○河○南○岸○有○毛○城○鋪○北○岸○有○大○谷○山○徐○城○可○無○患○
矣○王○家○山○以○下○一○路○減○水○閘○壩○不○可○稍○閉○以○免○洪○澤○湖○之○泛○濫○墊○

淤且畱以蓄水。砌沙乎自楊山以下至清河南北減水壩三十餘座。水分則流緩。流緩則沙停。將來正河運道不有淤塞之慮乎。又印川之減水壩比隄稍卑二三尺耳。今與地平矣。昔云歸漕者常盈。今何能盈乎。此上河之可慮者也。河督之堅執不移者。不過以開閘開壩費帑金無算。今日可塞。昔日何以誤開。恐有從而議其後者耳。愚因於會議向中堂九卿言之。治水如治病。因病立方。補洩隨時。難以執一。不得以後日之用補歸咎於前日之誤洩。昔日開壩以保隄也。今日塞壩以砌沙也。猶先應用大黃芒硝者。用大黃芒硝後。應用參芪桂附者。用參芪桂附各有其宜。歸於愈病而已。

此言實有至理。亦欲河督開豁疑衷。從長計議。爲國計民生圖。永
遠之策。此出自誠心。而不謂河督之堅執如故也。然今日下河工
程。當在范公隄外。此非壩水所能到也。但於石碓丁溪等口。開通
一二處。則浮水可去。內地水當漸淺。河湖舊形當漸露。再尋訪所
謂射陽德勝平望喜鵲諸湖舊迹。而以開壩之水。開引河以歸之。
再由湖歸河。以入新開海口。條分縷析。脈絡分明。卽大禹治水。亦
不過如此。若曰一開海口。而遂使下河盡爲平陸焉。萬萬無此理
也。故目下不在減水壩之塞與不塞。而在地方官不肯盡心相助。
呼應不靈。人夫物料。恐難湊手耳。若諸事湊手。卽當盡心嚴督工。

程○勿○惑○浮○議○成○大○功○者○小○小○順○意○不○足○善○小○小○拂○意○不○足○懼○惟○先○
定○成○局○持○堅○忍○不○拔○之○志○如○行○兵○然○當○有○定○算○偶○爾○勝○負○何○足○憂○
喜○如○弈○碁○然○當○爭○全○局○一○著○二○著○何○足○較○量○下○河○苦○水○久○矣○今○歲○
之○旱○乃○偶○然○耳○若○盡○如○今○歲○則○海○口○可○以○不○開○矣○前○讀○大○疏○斷○無○
海○水○高○於○內○地○之○事○此○先○生○親○身○閱○歷○之○言○故○鑿○鑿○如○此○非○如○他○
人○紙○上○談○兵○也○只○此○一○言○便○是○治○下○河○定○算○矣○

皇○上○神○聖○不○世○出○之○主○滇○黔○閩○粵○指○顧○蕩○平○海○外○自○古○未○入○版○圖○
之○地○皆○立○郡○縣○漢○唐○以○來○從○未○臣○服○之○國○盡○來○歸○附○豈○淮○陽○近○地○
開○一○二○漚○廢○之○河○道○以○救○數○城○之○殘○黎○發○自○聖○心○特○遣○部○堂○爲○

臣子阻撓而罷。以爲

聖主之心能晏然而已乎。故減水壩不可塞。則海口更不可不開。下河之水愈大。則開海口之功亦愈大。惟先生斷然持之耳。某以爲成功可操券而待也。歲序聿新。藉便恭候景福。臨楮匆匆。語無倫敘。伏惟鑒原不盡。

此是一時大利害先生曉暢言之。瞭如指掌。中間取譬一層尤佳。○河督者靳文襄公輔也。其治河底績與明代潘公季馴並稱。而乃有此千慮之失。當時爭之者多矣。先生之書尤善立言。而足以平其氣。

〇〇春王正月辨

聖人之書。明白簡易。而後儒推求過甚。遂成不決之疑者。如春王正月之類是也。註春秋者不下數十家。置春王正月四字不論者。固有之。其以周改月兼改時者。則漢孔安國、鄭康成、至明趙子常、王陽明、賀景瞻也。以周改月不改時者。則宋程伊川、胡康侯、至明劉文成也。以周不改時兼不改月者。則宋蔡仲默、魏華父、至明章本清也。諸家引經據傳。自以爲確不可易。而余則直以春秋本文斷之而已矣。春秋桓公八年冬十月雨雪。十月者。以周正爲建酉月。故雨雪爲非時。若夏之十月建亥。雨雪亦常耳。何足書。成公元

年二月無冰。此建丑月也。若建卯月無冰。又何異焉。莊公七年秋大水。無麥苗。如周不改月不改時。麥苗何得至秋。定公元年冬十月隕霜殺菽。若夏之十月菽已穫矣。隕霜亦非失時。如此之類甚眾。更有可證者。僖公五年左氏傳曰。春王正月辛亥朔日南至。日南至者子月也。此又改月改時之的據也。夫子特書曰王正月而左傳亦釋曰王周正月者。蓋明其爲周天子之正月。非夏之正月。殷之正月也。而又於二月三月亦繫之。王見丑月爲周之二月。寅月爲周之三月。非同於殷正。同於夏正也。過此前代無以之爲正者。則亦不必書王以別之矣。或曰四時之序夏正爲善。周公大聖。

人也。以多爲春。可乎。曰。陽明言之矣。陽生於子。而極於巳。午陰生
於午。而極於亥。子陽生而春始。陰生而秋始。自一陽之復。以極於
六陽之乾。而爲春夏。自一陰之姤。以極於六陰之坤。而爲秋冬。此
文王之所演。而周公之所繫。何不可之有。胡氏泥於冬之不可爲
春也。故有夏時冠周月之說。以爲孔子告顏淵以行夏之時。此爲
見於行事之驗。則又謬甚。如胡氏之說。周改月不改時。是雖以子
月爲歲首。而四時之序。猶夫夏也。以冬爲春。乃自孔子始以夏時
冠周月。非所以尊周以仲冬爲孟春。豈可謂行夏之時乎。不夏不
周之間。孔子何以自處焉。夫行夏時者。師友平日論道之言。所謂

須分陰看

損益百王垂訓萬世者也。春秋者聖人尊周室明王制之書也。王制固未有大於正朔者。孔子爲當時諸侯強橫大夫陪臣僭亂而作春秋。乃首改周天子之正朔也。恐聖人亦有所不敢矣。或曰孟子不云乎。春秋天子之事也。庸何傷。曰所謂天子之事者。謂賞功罰罪。以明天子之法。使諸侯不敢悖天子。大夫不敢悖諸侯耳。非必變易四時之序。改本朝正朔而後爲天子之事也。胡氏以此爲垂法後世。吾恐法未可垂。而先犯爲下不倍之戒矣。且此亦空言耳。鳥在其爲見諸行事之驗乎。故周不改月。則孔子必不敢以十一月爲正月。以十一月爲正。則周之必改月可知也。周不改時。則

孔子必不敢以正月爲春。以周正月爲春。則周之必改時可知也。曰。豳風亦周詩也。何以用夏正。曰。周之先世以農事開國。后稷公劉以來。固虞夏商之諸侯也。爲虞夏商之諸侯。必用虞夏商之正朔。且豳風述民事。夏正爲切。而春秋明一王之大法。尊周爲重。未可以爲例也。曰。諸家引商書元祀十有二月。以爲商不改月之證。何歟。曰。書缺有間。矣。商之時制。固無從得。而考要之。不可以例周。與其雜引他書。以釋春秋。固不若卽春秋。以釋春秋也。左氏公羊穀梁。皆周人也。於此獨不加論。焉亦以爲不必論也。使當時以正月爲冬。而孔子獨書曰。春。三子能已於言乎。

此案辨之者多矣然頗嫌詞費惟此文直截了當如齊文宣之
斬亂絲近代復有拾胡氏之遺者吾友史荆樓辨之尤悉

潛庵先生遺藁文錄卷二

睢州湯 斌潛庵著

後學上高李祖陶欽之評點

高安金鎮濤海珊校刊

○○敬陳史法疏

奏爲遵 諭敬陳史法以襄文治事。臣學識疎陋、備員史館、恭逢皇上虛已諮詢、臣敢不謬陳一得、以備採擇。臣竊惟史者所以昭是非、助賞罰也。賞罰之權、行於一時、是非之衡、定於萬世。

皇上御極初年、卽命纂修明史、仰見

皇上留心文獻、與唐太宗勅魏徵等撰次隋書、明太祖勅朱濂等

纂修元史可謂千古哲王。若合符節。但當時纂修止據實錄。未暇
廣採。臣愚竊以爲立法宜嚴。取材貴備。實錄所紀恐有不詳。臣謹
取其大略爲我

皇上陳之。如靖難兵起。建文易號。永樂命史臣重修實錄。則低昂
高下之間。恐未可據。他如土木之變。大禮之議。事多忌諱。况天啓
以後。實錄無存。將何所依據焉。一也。二百七十餘年。英賢輩出。有
身未登朝。而懿行堪著。或名僅閭巷。而至性可風。萬一輜軒未採。
金匱失登。則姓字無傳。何以發潛德之光。前代史書如隱逸獨行。
孝友列女諸傳。多實錄所未備者。二也。天文地理。律歷河渠。禮樂

兵刑藝文財賦以及公侯將相爲志爲表不得其人。不歷其事。不能悉其本末原委。三也。臣謂今日時代不遠。故老猶存。遺書未燼。當及此時。開獻書之賞。下購求之令。凡先儒紀載有關史事者。擇其可信。並詳參考。庶幾道法明而事辭備矣。臣伏讀順治九年十一月十七日。上諭云。明末寇陷都城。君死社稷。當時文武諸臣。中豈無一二殉君死難者。幽忠難泯。大節可風。大哉。王言。開一代忠孝之原。肅萬載臣子之極。一時在京諸臣。若范景文。倪元璐。劉理順等。皆被旌錄。自當照耀史冊。但明末寇氛旣張。蹂躪數省。或銜命出疆。或授職守土。或罷官閒居。以至布衣之士。巾櫛之婦。

其間往往有抗節不屈審義自裁者幸遇

皇上扶植人倫發微闡幽而忠魂烈節猶有鬱鬱寒泉之下者則
後世何勸焉伏乞 勅下各地方督撫確訪奏聞併將實蹟宣付
史館與范倪諸臣並列同書則闡幽之典愈爲光昭矣更有請者
宋臣歐陽修纂五代史不爲韓通立傳後世譏之宋史修於至正
三年而不諱文謝之忠元史修於洪武二年而並列丁普之義百
今謹之

皇上應天順人救民水火雲霓之望四方俟蘇然元二年間亦有
未達天心徒抱片節硜硜之志百折靡悔雖逆我顏行有乖倒戈

之義而臨危致命實表歲寒之心此與海內渾一竊名叛逆者情事不同伏望

皇上以萬世之心爲心渙發綸音概從寬宥俾史臣纂修俱免瞻顧則如天之度婉美前王於以獎勵臣子昭示後世其於綱常似非小補臣在史言史不識忌諱無任戰慄隕越之至

前幅議論明確尙係史家常談他人亦能見及後段則大義凜然綱維萬世是時先生官僅檢討而卽能持此論慷慨拜疏膽識雙絕安能不爲一代偉人

○○題請蠲緩疏

題爲積年未完之漕項已荷分徵五載壓欠之正賦更祈蠲緩以
廣皇仁以甦民困事據江蘇布政使章欽文詳該臣看得三吳
賦稅甲天下軍儲供億仰給實多我

皇上智勇天錫命將授鉞淵謀睿算威震海隅而轉輸不匱江南
每歲本折五六百萬較他省蓋數倍焉我

皇上念財賦重地於軍需匱乏之際猶蠲租賑饑恩恤備至迺者
聖駕東巡洪恩覃敷蠲漕免丁帶徵漕欠除一時並徵之累
詔到之日白叟黃童靡不舉手加額感激而泣以爲

皇上如天之仁。軼唐虞而超三代。實亘古所未有也。獨是漕糧雖荷天恩。而地丁錢糧。自康熙十八年至二十二年。五年並徵。民力猶苦不支。每臣一出。士民環馬首泣訴。求爲陳情者。殆無虛日。臣以國課關係重大。隆恩未敢妄邀。曉以大義。使各勉力輸將。而士民遲遲哀求不已。既而思之。使並徵有益於國。臣何敢妄有所請。乃於國計無所裨益。而下民實爲苦累。臣不爲奏陳。是爲溺職。上

聖恩矣。故敢冒昧爲我

皇上言之。臣按蘇松等處。賦額煩重。雖在豐年。所入常不敷所出。乃十欠十九。兩年異常災荒。逋欠獨多。今年之尾欠。卽爲來歲之

帶徵。下年之未完。又爲次年之並比。陳陳相因。日以增益。小民終歲胼胝。不過畝收石粟。欲正供之外。兼完積逋。勢必不能。且錢糧之在公家。雖有起存漕項之分。而小民輸將。總一條編徵。原無差別。未完起存錢糧之民。卽是未完漕項之民。今計十八年至二十三年未完地丁。並時追呼。而二十四年新糧。又復起徵矣。州縣比較大率十日一限。假使每日輪比。一年則十月中。僅三日空閒。而七日赴比矣。近城附郭。猶得稍息。其窮鄉僻壤。奔走道途。匍匐公堂。欲求盡力農桑。不可得已。設有司見考成期迫。不暇念及生民。或一日而並比數年。則先因某年之欠。而敲扑之後。因某年之欠。

而○加○責○之○血○肉○淋○漓○哀○號○之○聲○上○干○天○和○亦○所○必○至○也○臣○仰○體○
皇○上○視○民○如○傷○之○仁○時○時○告○誡○有○司○既○不○忍○使○疾○苦○遺○黎○受○此○摧○
殘○又○不○敢○以○定○限○考○成○爲○之○寬○假○誠○恐○民○知○積○欠○已○多○剋○補○無○術○
惟○有○拚○此○皮○骨○以○捱○微○比○官○知○遞○年○歷○欠○催○科○計○窮○亦○惟○拚○一○降○
革○以○圖○卸○擔○究○之○官○之○更○代○愈○速○錢○糧○之○頭○緒○愈○亂○加○以○蠹○役○乘○
機○侵○欺○小○民○逃○亡○相○繼○國○課○必○至○大○絀○臣○愚○以○爲○民○間○止○有○此○力○
併○徵○數○年○其○輸○納○不○加○多○帶○徵○一○年○其○輸○納○不○加○少○而○分○年○帶○徵○
則○官○免○畏○顧○考○成○挪○新○補○舊○之○弊○民○免○累○日○並○比○荒○廢○農○桑○之○苦○
所○全○實○大○也○故○敢○冒○昧○叩○懇○

皇上推廣帶徵漕欠之德意。俯俞臣請。除康熙二十三年錢糧尙未奏銷。不敢請緩。將康熙十八年至二十二年民欠地丁錢糧。俯照漕項一例。于康熙二十四年起分年帶徵。以舒民困。臣又念此數年中。十八十九兩年水旱疊承。地多版荒。人多逃亡。今時已五載。牽連親族者有之。遺累鄰戶者有之。所謂有糧無田。有戶無人者。實實不乏。倘蒙聖恩。將此兩年概賜除豁。准自二十年後分年帶徵。務期全完。在民既無並徵之累。在官又無虛懸之項。然後律以考成之法。小民亦各有心。旣感皇恩。又沐功令。誰不踴躍爭先。以完正供。此實有裨公帑。無損國計。而江南士庶歌詠。

皇仁億萬斯年永永無極矣臣受恩最深身在地方目擊情形不敢隱默并據布政使章欽文詳請前來臣謹會同總督臣王

署理漕務總河臣靳合詞具題伏乞睿鑒施行

極陳五年並徵之苦而分年帶徵之善淋漓痛切林目警心尤妙在追遠一層再請豁免兩年以紓民困而期全完後定爲民請命者恐不敢遽開此口

○代陳輿情疏

題爲郡守因公降調士民控籲迫切謹代陳輿情仰祈 睿鑒事
據常州府武進縣鄉紳士民張祖畱等具呈該 臣看得臣屬七府
現缺知府者三常州府降調知府祖進朝履任未及一載素聞其
操持廉介蒞事勤慎臣私心重之頃緣失察法寶一案部議降四
經調用銷去加一級仍降三級奉有 俞旨乃常州五縣紳士商
民不知 朝廷功令以爲進朝服官頗能潔已愛民驚聞解任輒
搥地呼天號泣罷市若一旦頓失怙恃者奔赴臣衙門請爲題畱
日不下數千人街衢擁塞哭聲震天更有蒼顏皓髮年逾八十平

日杜門靜修。足不履公門者。亦至臣公堂叩首求達。天聽臣諭。以朝廷自有定體。保舊之例。久已停止。爾等當靜聽部選新官。毋得躋擾士民。愈加哀痛。以爲常州四十年來。未有愛民如知府祖進朝者。其減差輕耗。興學正俗。戢奸除暴。息訟安民。種種善政。窮鄉僻壤。盡沾惠澤。豪強盜胥。不敢作奸。皇上軫念東南。如江寧府知府于成龍。蒙特恩超擢吏治。丕變。今進朝操守才幹。實可與成龍頡頏。而獨以一眚被謫。萬民驚惶。殆不欲生。言畢泣下。不能止。臣再三撫慰。許以代題。皆望闕叩頭而後去。又聞赴督臣衙門控懇者。亦不下數千人。臣不知進朝。

何以慰人之深如此。臣查失察法寶一案。無錫縣知縣徐永言以
協擊免議。進朝身爲郡守。失察之罪。何辭。况部議察取督撫職名。
臣受事四日。擊獲法寶。是受事之日。已爲失察之日。自當靜候處
分。何敢代人廣奏。惟是常州爲江南巨郡。一月以來。士不安於庠。
農不安於野。商賈不安於市。行旅不安於途。臣蒙

皇上特恩簡畀疆土重任。屬吏之敗檢者得而糾劾之。廉能者不
能爲之一言。非公也。民情皇皇如此。而不爲之解慰安輯。非仁也。
畏罪緘默。而使輿情不能上聞。非忠也。有一於此。皆負聖恩。無
所逃罪。因與督臣熟計再三。敢不避斧鉞。爲之陳奏。實從通達民

情起見非敢違例題畱臣謹會同總督臣王 合詞具題伏乞
睿鑒裁察勅部議覆施行

知府可矜可畱情狀並於士民口中說過已只聞閒徐徐傍著
數語最善立言最好動聽

蘇松逋賦疏

題爲詳陳蘇松逋賦難清之由。籲請 睿鑒裁酌。定不易之規。以實 國課。以遂民生事。臣惟財賦爲 國家根本之計。而蘇松尤爲財賦最重之鄉。臣以庸碌。謬撫茲土。見錢糧累年逋欠。每當奏銷之期。多者嘗欠至五十餘萬。最少亦不下三四十萬。夙夜疚心。懼無以仰佐 國計。恆惴惴不安。初疑官吏之怠玩。繼疑豪強之頑梗。乃一載以來。詢問耆碩。體察民隱。間嘗巡行阡陌。訪出則之高下。考徵科之多寡。然後知蘇松逋賦實由民力維艱。斟酌調劑。貴在及時。敢悉心爲我

皇上陳之蘇松土隘人稠一夫所耕不過十畝而倚山傍湖旱澇難均卽豐稔之歲所得亦自有限而條銀漕白正耗以及白糧經費漕贈五米十銀雜項差徭不可勝計而仰事俯育婚嫁喪葬舉出其中終歲勤動不能免鞭扑之苦故蘇松俗好浮華而獨耕田輸稅之農民艱難實甚兩府與常鎮嘉湖皆壤地相接而賦額輕重懸殊卽江浙閩楚並號財賦之鄉區區兩府田不加廣而可當大省百餘州縣之賦民力所以日絀也夫兩府田賦之重固起自明初臣嘗考洪武年間籍沒張士誠將士私產號爲官田賦額特重而民田之起科較輕永樂以後漕運愈遠加耗滋多宣德正統

間巡撫周忱奏減蘇州租七十餘萬石松江租三十餘萬石民困稍蘇至嘉靖初蘇州知府王儀請行均田之法盡括官民田而裒益之當時稍救官田之敝但正耗兼配科則繁雜吏易爲奸其後以耗米作爲正糧又運綱諸費額外取之於民因事派徵又如所謂九釐地畝之類日漸增益非復正嘉以前之舊至啓禎時軍餉孔殷加派日繁民不堪命矣本朝定鼎田賦悉照萬歷年間則例盡革明末無統之徵洵稱救民水火近年因時制宜如白糧經費運軍行月永折加價等項載在全書其官收官兌之法最稱便民不可更易然亦因明朝賦重役繁以耗作正不得已爲此補救

此段言官吏之附

之計而民力則已殫也。順治初年錢糧起存相半考成之例尚寬。後因兵餉急迫起解數多又定十分考成之例一分不完難道部議以四十餘萬錢糧之州縣至與小縣錢糧不上數千或僅一二萬者一例考成官斯土者雖賢如黃霸魯恭何能自免謫譴夫人千里而來爲吏誰肯以催科無術甘心廢棄一存顧惜功名之念則展轉苟且之計必生或以存留而抵起解或以此項而借彼欸或以新糧而抵舊欠參罰期迫則以欠作完賠補維艱又以完爲欠種種弊竇莫可究結一經發覺身家俱喪官之更代日勤蠶屑因之作奸頭緒紛淆侵漁任意雖嚴加追比究之款額空懸惟二

十二年。適遇歲豐。二十三年。荷蒙 聖恩蠲漕。故僅有一二縣地。
丁全完。而他項仍多挂欠。又以年外報完。未副議敘之例。夫人才
力不甚相遠。豈他省之吏幹濟獨優。而蘇松之官催科偏拙。良以
百姓之脂膏既竭。則有司之智勇俱困。而前途之功名絕望。則官
箴之砥礪難期。心已灰矣。地方何賴。吏治人才皆足惜也。積欠年
此設言教諭不加減額
久。惟待赦蠲。我 國家宏敷大賚。每一赦詔。蘇松免租多者百萬。
少者七八十萬。是糧額雖重。原非可完之數。與其赦免於追呼既
窮之後。何若酌減於徵比未加之先。使得完肌膚而樂昇平。且無
損 國家歲入之實數乎。蘇松版輿所在。都有 臣常委官履畝踏

勘非盡石田不可耕也。祇因田不抵賦力難任役。一戶逋逃數家株累。小民畏懼不敢承佃。倘蒙皇恩稍賜寬減。其孰不踴躍復業。數年之後。按畝陞科。將見田額漸增。國賦日裕。是蠲無益之虛額而收墾田之實課也。前此諸臣纍纍陳請。適當軍興。旁午餉需。告匱之目。且俱言前朝苛政。欲復宋元之舊。事勢難行。今賴皇上德威遠播。海表日出之邦。絕域不庭之國。莫不稽首來享。奉琛恐後。斯正國家休養蒸黎。培植根本之時。上年鑾輿親巡。洞見邨落蕭條。深軫聖懷。又蠲漕免丁。帶微積欠。深仁厚澤。淪肌浹髓。白叟黃童。感極而泣。以爲生逢堯舜之主。視民如傷。若

法與前人不同

此段言已

地方官能以民艱。上聞必當大沛。恩膏起三百年之痼疾。臣
身在地。方義無可設。不敢遽引宋元之說。亦不敢比常鎮嘉湖之
例。惟叩懇我。皇上念民力之已竭。察虛額之無益。宸衷獨斷。

渙發德音。及此纂修簡明全書之時。博集。廷議。將蘇松錢糧合
盤。打算各照科則量減一二分。定適中可完之實數。無存過重必
欠之虛額。再將科則銷加歸併。使簡易明白。便於稽核。或將賦額
並收最重州縣。另立勸懲之典。不與小縣一例。考成使守令知可以久
任。可以陞遷。不至苟且因循。事務廢弛。庶幾野無不耕之土。戶無
不完之租。民力裕而吏治清。賦稅充而國用足。億萬年太平無

疆之休端在是矣。臣非不知賦額久定。未便更張。但體國經野。貴永久而無弊。苟有未善。正宜變通。况前代之苛政乎。我

皇上神聖立極。事事垂法萬世。此尤關國計民生之大者。宏謨遠算。總自睿裁。非微臣所能仰贊也。臣章句腐儒。錢穀非所素諳。蒙皇上隆恩優渥。惟知夙夜飲冰。圖酬高厚。而心血耗竭。疾病侵尋。恐一旦溘先朝露。終負聖恩。因目覩逋賦難清。不敢不冒昧瀆陳。字多逾格。伏乞聖慈睿鑒施行。

此事關係重大。此疏亦指畫詳明。與前明周文襄公後先濟美。但爲部議所格。故臨行時有愛民有心救民無術語。

○請旨行取疏

題爲請 旨行取事。據署江蘇布按二司蘇松督糧副使劉鼎呈
詳前事。該臣看得行取官員以備言路之選。誠 聖朝用人之大
典也。臣一准部文。隨行布按二司選擇開報。惟是部行必無錢糧
盜案官員。方准咨送。而臣屬地方賦重役繁。甲於天下。實與他處
不可同日而語。故銓選時掣得此缺。便形神沮喪。親朋爲之惋惜。
以爲半生功名。付之逝水。自非志趨堅定。不以升沉利鈍介懷者。
未有不頽然自放。甘心以不肖爲歸者也。臣奉 命撫吳以來。首
以察吏安民爲念。無時不告誡屬員。以我

皇上至聖至神超逾百代求賢圖治宵旰弗遑且知人之明出自
天授爲臣子者苟能仰體聖心潔已愛民決不至沉埋下僚反
覆申諭舌敝筆禿故一時守令爭自濯磨操守廉潔政績表著者
實不乏人然稽其錢糧考成則萬萬不能十分全完蓋勢處其難
智勇才力無所用也今奉文行取若拘定成格必以合例之官咨
送勢必以僻壤小邑易於藏拙者塞責此其人卽倖叨選用未必
能光大典況斷不能逃我皇上之睿鑒則臣濫送匪人之罪
無可辭矣若真知其人而隱不舉聞則蔽賢之罪與濫舉等臣採
訪再三查有蘇州府屬吳縣知縣劉滋操守端嚴蒞事精敏興行

教化勸課農桑。廉能之績最著。又吳江縣知縣郭琇。居心恬澹。風骨堅凝。撫字能勤。訓迪不倦。士民稱頌如一。此二官者。並無未完承緝盜案。惟經徵帶徵各年正雜錢糧。不能如額。臣於大計薦舉卓異疏中。亦曾列其廉能。祇以格於定例。未敢開入。正薦已荷皇上睿照。查吳縣吳江兩縣錢糧。自康熙十九年起。至二十二年止。俱奉文停徵。至康熙二十四年。始分別按年帶徵。其康熙二十二二十三兩年地丁錢糧。俱經奏報全完。止有康熙二十四年并帶徵十八年地丁漕項。及各年蘆課雜稅。與承追前任侵那各案。俱有尾欠。尙在年限之內。查二縣錢糧。歷年不能全完。今二官兩

年地丁錢糧全完。則非二官之才。短情徵可知也。臣查前督臣阿
前撫臣慕任內。有常熟縣知縣林象祖。上海縣知縣任辰旦。亦以
錢糧未完。與例不符。曾經會疏題請。奉旨破格擢用。今劉滋郭
琇二官。臣實真知其才品。久洽輿情。茲據署江蘇布按二司事蘇
松督糧道副使劉鼎暨蘇州府知府胡世威交薦。合以臣之見聞。
無異。然臣終不敢自信一己之見。違例輕舉。復又咨商督臣。隨准
移覆。二官清操卓越。敷政精勤。堪膺行取之選。是亦從愛惜人才
起見。臣思以人事君為臣子之大義。用是冒昧比例。具題仰懇
皇上俯賜鑒准。破格錄取。俾循良之官益加感奮。而地方之繁劇。

○層○所○關○實○大○
與兩邑相等者亦知有登進之階相率而爲良吏以仰副我
皇上圖治安民之意所關匪淺鮮也臣謹會同總督臣王合詞具
題伏乞勅部議覆施行

違例薦人膽識雙絕妙在起手提唱分明結復繳應明白立言
不爲一人起見故自侃侃動聽厥後郭琇竟至大用亦可知此
疏之有力矣

○請毀淫祠疏

題爲淫祠敗壞風俗已極請嚴綸申禁以正人心以維世道事

臣才具庸劣奉命撫吳陛辭之日蒙我

皇上諄諄誨諭以移風易俗爲先務聖駕南巡又諭以敦本

尙實使民還淳返樸臣仰承德意月吉齊集士民講解上諭十

六條又定期至學宮講孝經小學使人知重倫常而敦實行一年

以來風俗亦漸改觀竊以吳中之俗尙氣節而重文章闡闡詩書

以著述相高固天下所未有也但其風涉淫靡黠者藉以爲利而

愚者墮其術中爭相倣倣無所底止如婦女好爲冶遊之習覲粧

艷服連袂僧院或羣聚寺觀裸體燃臂虧體誨淫至於斂錢聚會迎神賽社一席之值可數百金刻造馬弔紙牌編作淫詞豔曲流傳天下壞人心術婚喪不遵家禮戲樂參靈綵服送喪仁孝之意衰任卹之風微而無賴少年教習拳勇身刺文繡輕生好鬪名爲打降如此之類不可枚舉臣皆嚴加禁飭委曲告誡今寺院無婦女之跡河下無管絃之聲迎神罷會豔曲絕編打降之輩亦稍稍斂迹若地方有司守臣之法三年之後可以返樸還淳且浮費簡則賦稅足禮樂明而爭訟息固吳中之急務也然此皆地方官力所能行不敢上煩諭旨惟有淫祠一事挾禍福之說年代久遠

入人膏盲。非奉天語申飭。不能永絕根株。蘇松淫祠。有五通五顯。及劉猛將軍。五方賢聖諸名號。皆荒誕不經。而民間家祀戶祝。飲食必祭妖邪巫覡。創爲怪誕之說。愚夫愚婦。爲其所惑。牢不可破。蘇州府城西十里。偶伽山。俗名上方山。爲五通所踞。幾數百年。遠近之人。奔走如鶩。牲牢酒醴之饗。歌鼓笙簧之聲。晝夜喧闐。男女雜遝。經年無時間歇。歲費金錢。何止數十百萬。商賈市肆之人。謂稱貸於神。可以致富。借值還債。祈報必豐。里諺謂其山曰肉山。其下石湖曰酒海。耗民財蕩民志。此爲最甚。更可恨者。凡少年婦女。有殊色者。偶有寒熱之症。必曰五通將娶爲婦。而其婦女亦恍

惚夢與神遇。往往羸瘠而死。家人不以爲哀。反豔稱之。每歲常至數十家。視河伯娶婦之說。更甚矣。夫蕩民志。耗民財。又敗壞風俗。如此。皇上治教如日中天。豈容此淫昏之鬼。肆行於光天化日之下。臣多方禁之。因臣以勘災至淮。益肆猖獗。臣遂收其妖像。木偶者。付之烈焰。土偶者。投之深淵。檄行有司。凡如此類。盡數查毀。撤其材木。備修學宮。葺城垣之用。民始而駭。繼而疑。以爲從前曾有官。畏厭其妖妄。銳意除之。神卽降之禍殃。皆爲臣危之數月之後。見無他異。始大悟。往日之非然。吳中師巫最黠而悍。誠恐臣去之後。必又造怪誕之說。箕斂民財。更議興復。愚民無知。必復舉

國猖狂不可禁遏請 賜特旨嚴禁勒石山巔令地方官加意巡
察有敢興復淫祠者作何治罪其巫覡人等盡行責令改業勿使
邪說誑惑民聽 天威所震重竊當醒人心既正風俗可淳更通
行各直省凡有類此者皆行禁革有裨世道非渺小矣爲此具題
伏乞睿鑒勅部議覆施行

大賢所重總以興起人心矯正風俗爲事篇中所陳皆係要務
而焚燬五通一節尤不愧爲狄梁公矣

○徵君孫鍾元先生墓誌銘

康熙十有四年乙卯四月二十一日前萬歷庚子舉人徵君孫先生卒於輝縣夏峯之居第一時監司郡縣之大夫與方數百里鄉大夫士哭弔屬路不絕城內外市者罷業耕者廢耒里老嗟歎子弟輟誦絃聲督學使檄郡邑今已從祀兩廡祀百泉書院其冬十月十六日葬夏峯之東原距生萬歷甲申十二月十二日享年九十有二矣道學之傳自濂洛關閩諸大儒後莫盛於明之河東姚江先生幼當梁溪吉水講學都門之日與鹿忠節公一室默對以聖賢相期許忠節既沒獨肩斯道者四十載年愈高德愈邵真積力久篤實光

輝。四。方。學。者。不。謀。而。合。曰。夏。峯。今。之。河。東。姚。江。也。兩。朝。徵。聘。十。一。
次。纈。帛。貢。於。嚴。谷。守。令。敦。趨。就。道。者。數。矣。先。生。高。臥。不。起。故。天。下。
稱。爲。徵。君。云。先。生。諱。奇。逢。字。啓。泰。號。鍾。元。保。定。之。容。城。人。高。祖。端。
曾。祖。廷。寶。皆。有。隱。德。祖。臣。嘉。靖。辛。酉。鄉。薦。任。河。東。鹽。運。司。運。判。以。
清。慎。稱。父。丕。振。庠。員。授。儒。官。孝。友。著。聞。母。陳。孺。人。兄。弟。四。人。兩。兄。
奇。備。奇。遇。俱。庠。員。弟。奇。彥。以。貢。士。任。武。城。知。縣。先。生。少。時。慷。慨。有。
大。志。十。四。歲。謁。楊。尚。寶。補。庭。補。庭。問。設。在。闔。城。中。內。無。糧。芻。外。無。
救。援。當。如。之。何。先。生。應。聲。對。曰。效。死。勿。去。補。庭。曰。此。足。卜。子。生。平。
矣。補。庭。者。忠。愍。公。子。也。十。七。舉。於。鄉。私。居。不。蓄。一。錢。兩。居。父。母。憂。

治喪一準古禮。偕兄弟結廬墓側。飲食必祭。風雨霜雪。哀音動人。
嘗語人曰。少年妄意功名。自雙親見背。哀慟窮苦中。證取本來面。
目。覺嚮來氣質之偏。益學問實得力於此。云居京師。見曹貞子公。
舉仁體以告。恍然此心與天地萬物相通。時桐城左忠毅嘉善魏。
忠節長洲周忠介以氣節相高。見先生皆傾蓋定交。高陽孫文正。
公督師關門。鹿忠節爲監軍。約先生同遊塞上。徧覽山海形勝。指。
畫如掌。孫公畱共襄軍事。急辭歸。語茅元儀曰。將相不合。未有能。
立功於外者。公信不愧吉甫。料定如時不可。何天啓末年。逆閹竊柄。左。
魏周三君子相繼逮繫。過白溝。縱騎森布。先生與門人張果中拮。

据調護供其橐餗且告之曰雷霆雨露總是君恩諸公主張宜蚤
定其子弟僕從嚴衛嚴緝莫敢舍者先生與鹿太公爲之寄頓左
嘗督學三輔又屯田有惠政時誣坐熊經略賊拷掠備至先生與
鹿太公謀設匾建表於門曰願輸金救左督學者聽於是鄉人投
匭者雲集左旣拷死則又按籍俵散去京師不二百里舉旂擊鼓
不畏閹知閹亦竟不知也當事急時遣弟奇彥同鹿公子馳關門
上書高陽公求援公卽上疏以邊事請陛見面奏機宜都門喧傳
公興晉陽之甲閹夜繞御牀而泣公抵通州亟降旨勒令公回而
諸君千不可救矣蓋正人爲國家元氣非但急友難也事之不成

則天也。而世徒以節俠視之過矣。客氏弟光先。以時欲牢籠士大夫。介所知送名馬。以家貧不能具摧秣辭。致摧秣之需。以病軀不能乘辭。待小人不惡而嚴類如此。崇禎戊辰。督學御史李公蕃舉孝行。奉旨建坊旌表。給二丁侍養。丙子。容城被圍。土垣將圯。窮七晝夜爲攻具。先生指示方略。士民協力捍禦。城賴以全。事定。巡撫都御史恤刑部郎交章聞於朝。特詔褒嘉。兵部尙書范公景文聘贊畫軍務。固辭不就。時寇氛漸逼都城。移家入五峯山。結茅山中。親識從者數百家。修武備。嚴教條。所以整齊約束之法甚具。更日與其徒講學習禮賦詩倡和。絃歌之聲相聞。當兵戈搶攘時。雍容

禮樂盜賊睥睨不敢犯。嗚呼先生之不用於時。豈先生無意於世。蓋亦知天意之不可回也。國朝順治初。祭酒特舉。長成均以許文正相擬。中外大臣推轂。日至先生絕意仕進。移家共城。闢兼山堂。讀易其中。率子孫耕稼自給。簞瓢屢空。怡然自適。遠邇負笈來學者甚眾。有大僚歸老於家。北面稱弟子者。有千里遣其子從遊者。公卿持使節過衛源。不入公署。屏騶從。以一見先生爲快。先生涵養益邃。自強不息。每晨起謁先祠畢。退居一室。澄心端坐。卽疾病未嘗有惰容。接人無貴賤少長。各得其道。與後學答問。隨人淺深。亶亶窮晝夜不倦。子孫甥姪數十人。揖讓進退。皆有成法。閨門

丙○外○肅○肅○穆○穆○寂○若○無○聲○而○諸○事○具○有○條○理○姍○族○故○舊○恩○意○篤○厚○
爲○之○經○理○婚○嫁○喪○葬○惟○力○是○視○聞○節○孝○事○必○爲○之○表○揚○先○賢○祠○祀○
廢○墜○者○必○倡○眾○爲○之○修○理○見○人○家○庭○乖○違○與○父○言○慈○與○子○言○孝○緩○
譬○曲○喻○必○歸○於○道○而○後○已○故○賢○者○悅○其○誠○不○賢○者○服○其○化○卽○兒○童○
牧○豎○亦○知○歡○喜○尊○敬○至○於○事○變○之○來○眾○人○震○撼○不○知○所○底○者○處○之○
○亦○無○得○力○處○
裕○如○未○嘗○幾○微○動○於○中○也○其○學○以○慎○獨○爲○宗○以○體○認○天○理○爲○要○以○
日○用○倫○常○爲○實○際○嘗○言○七○十○歲○工○夫○較○六○十○而○密○八○十○歲○工○夫○較○
七○十○而○密○九○十○歲○工○夫○較○八○十○而○密○此○念○無○時○敢○懈○此○心○庶○幾○少○
明○又○曰○生○平○所○見○有○時○而○遷○而○獨○知○之○地○不○敢○自○欺○識○得○天○理○二○

字是千聖真脈。非言語文字。可以承當。故言心。卽在事上見。言已。
○未○派○可○比○卽在人上見。言高遠在卑邇上見。言上達在下學上見。戰兢惕勵。
不敢將就。冒認。惟是慎獨而已。所著有理學宗傳、四書近指、讀易
大旨、書經近指、聖學錄、兩大案錄、甲申大難錄、歲寒居文集、答問
日譜、畿輔人物考、申州人物考、孝友堂家乘、四禮酌、乙丙紀事、孫
文正公年譜、共若干卷。嘗歎世之學者。不務心得。株守藩籬。物我
未化。先生眞見。這之大原。無建安無青田。惟以庸德庸言。直證天
○派○命原初之體。可謂千聖同堂造化與遊者矣。程子曰。世無眞儒。天
下貿貿焉。莫知所之人。欲肆而天理滅。自先生講道山中。公卿大

臣四方學士聞風而起皆知聖賢之可爲異端邪說不足以亂孔
聖之真其有功於斯世斯人大矣若其自得之深精微之蘊非學
問有得於心者烏能測其所以然乎斌何敢謂知足以知之然奉
教有年竊觀其語默動靜元氣渾淪全體大用光明洞徹其斯爲
一〇語收口盡
凝道之君子何疑歟哲人云葵斯世何宗故不禁涕泗無從也元
配槐孺人繼配楊孺人皆有閔德丙辰先生下第槐孺人慰之曰
下第何妨卽終身不第我未見布衣可輕富貴可喜此豈婦人女
子所及當先生釀金救左魏時楊孺人出嫁時衣奩佐之撫前子
同已出事槐孺人母如已母奉養終身皆人所難者子六立雅恩

貢奏雅生員望雅增廣生槐孺人出博雅韻雅尙雅增廣生楊孺
人出女二孫十二瀾增廣生潛生員溥生員溶生員淦舉人淳生
員漢浩沐浴湛源孫女八曾孫十三用柔用霖用梓用栢用桓用
橫用楷用樞用楨用榦用樟用柱用棟曾孫女五四世孫一燭娶
聘皆名族槐孺人原葬容城先塋今以衣冠祔楊孺人原葬夏峯
東阡今移祔

銘曰至道浩浩待人而行貞元會合大儒挺生定交江邨志紹濂
洛奧旨微言開闢啓鑰窮理盡性本於孝弟表裏洞然天空月霽
雲臥蘇門韜光斂耀安樂窩叟千載同調戢戢夏峯萬仞其高攀

援吳逮仰止爲勞松楸鬱鬱幽宮在茲我銘不磨永式來思

孫徵君少爲俠士長爲遺老晚爲大儒蓋舉張子房管幼安邵
康節劉容城諸公之行誼而備有之文起手虛籠一段中間挨
次實敘時下斷語末復重贊其學以總結之靜重雍容雅與顯
稱先生爲徵君門下士故能寫出全神而無一毫霸張之氣視
圭齋碑許文正曼碩碑吳文正又不同矣

○翰林院侍讀愚山施公墓誌銘

康熙二十二年閏六月十三日翰林院侍讀施公卒於京師之寓舍。公知名海內者垂四十年。天下之士或推其文章或高其行誼。或稱其治術而余少同舉進士。晚年同事史館。相知尤深。公病余往視之。握手熟視曰。平生知我之深無如子。立言能信於世亦無如子。因歔歔不能語。既卒。葬且有日。其子彥恪遵遺命來請銘其墓。宮之石。余何敢辭。乃垂涕序而銘之。公諱閏章。字尚白。號愚山。江南宣城人。大父宏猷。明萬歷間遊鄒忠介焦石城兩先生之門。爲東南人士所宗。父簪以公貴。贈奉政大夫山東按察司僉事。叔

父與余嘗誌其墓。所謂砥閼先生者也。兄弟孝友。內外雍穆。江南言家法者。推施氏。公少賦異資。習聞家學。從沈徵君壽民遊。弱冠。工制舉業。兼治詩賦古文辭。先達多稱之。順治丙戌。舉於鄉。己丑。登進士第。授刑部主事。天子大婚禮成。詔赦天下。公奉使

廣西。因得徧遊粵西諸山水。著粵江賦。以見志。既歸。丁祖母艱。服除。補員外郎。引經斷獄。期於明允。有疑獄。反覆推求。常至夜分。曰。如是則生者死者兩無憾矣。諸卿大夫素以公嫻文辭。或不習吏事。至是。藉藉言公可大用矣。當是時。

世祖方興起文學。選尚書郎。資望深者。御試高等。乃得補授提

學使者公名居第三擢提調山東學政按察司僉事公既負文名
久士子爭自磨礪冀得一當公意而公教士以通經學古爲先論
文崇雅黜浮風氣爲之一變其應御試也大學士安邱劉公實
薦之後屬其同年孤子竟以文不入格被黜落劉公語山東巡撫
曰學臣不受請託獨施君耳公之能舉其職與劉公之能相與有
成也時人以爲兩難秩滿遷江西布政司參議分守湖西道時軍
餉嚴迫屬邑多逋賦追呼急輒相聚爲盜公作勸民急公歌召父
老垂涕而諭之父老見公張者相率輸租恐後吉水有巨室依險
自保邑令乘間執之以叛聞公察其僞令輸租以遺之因過歷崇

山廣谷間作彈子嶺大阮歎竹源阮諸篇以告諸長吏讀者爲流涕曰施使君今之元道州也暇日修景賢白鷺洲兩書院集多士講學其中或屏車騎往來金牛石蓮諸洞宴遊賦詩耆舊逸民亦樂就之昔羅旣江嘗爲寧國守以和易得民公大父嘗服膺其教公之爲政亦略相彷彿而時事之難易有大不同者無何以裁併監司歸里而叔父砥園先生年七十老矣公依依左右有終焉之志又十年詔舉博學鴻詞之士三相國薦其才召試授翰林院侍講纂修明史公素以文學飭吏治至是始得當著作之任益用發舒考核同異辨析疑譌是非可否無所回互而朝士大夫習

其姓名。表碑版。詩歌者。趾錯於戶。四方名士。負笈問業。無虛日。公
一應之。不少倦。平日期期。若不能言。及談忠孝奇節。輒抵掌
奮發。慷慨流涕。不能自已。遇羈人才士。失志無聊。多方爲之延譽。
死喪困厄。賑卹不遺餘力。天下士以是益歸其門。入則盡力編摩。
出則應酬賓客。又砥園先生已卒。格於例。不能請假。居恆忽忽不
樂。而精力亦稍憊矣。天子知其學行。將用爲日講官。司記注
矣。惜其老也而止。辛酉典試中州。稱得人。又二年。進侍讀。充
太宗聖訓纂脩官。益格恭不敢懈。吾見其貌加衰而不自休息。私
憂之。無何病。遂卒。嗟乎。以公之才。使專精史事。久於其職。一代君

臣○事○迹○庶○有○倫○敍○乃○事○未○竣○而○遽○歿○不○但○平○生○交○遊○之○情○爲○可○慟○而○國○家○失○此○良○史○才○爲○可○惜○也○悲○夫○公○所○著○書○學○餘○集○八○十○卷○年○譜○四○卷○詩○話○雜○著○二○卷○歿○後○友○人○檢○討○高○君○詠○爲○編○輯○藏○於○家○公○生○明○萬○歷○四○十○六○年○十○二○月○二○十○一○日○距○卒○得○年○六○十○有○六○於○某○年○月○日○葬○於○宣○城○某○地○之○原○配○梅○氏○繼○李○氏○贈○封○並○孺○人○副○室○蔣○氏○徐○氏○子○二○彥○淳○恩○貢○生○彥○恪○郡○庠○生○孫○男○女○俱○三○婚○娶○皆○名○族○

銘○曰○儉○以○處○身○惠○以○行○仁○志○希○先○民○夔○乎○絕○倫○養○其○和○平○發○爲○菁○英○金○石○皦○皦○大○放○厥○聲○敬○亭○如○益○宛○溪○如○帶○九○九○松○檜○勿○翦○勿○拜○

維茲幽堂。哲人之藏。青烏告祥。奕葉其昌。

文章行誼治術三者兼能。起手提明篇中錯雜應之。愚山先生得此可以無憾。